



P1-44

聞鶯

春事江頭晚
交交黃鳥鳴
柳濃須掩色
風細故傳聲
澁似愁花落
繁偏重客驚
上林多彈射
爲爾一含情

見落花

幾時春復暮
處處落花多
留滯楚城曲
吾如歲月何
碧山還送色
黃鳥已慵歌
無限憐芳意
長江日夜波

海樓贈李長沙

海樓李別號

李白人中傑
真如海上樓
洪流天地轉
高拱日星愁
波及長沙潤
心先老范憂
滄溟不可極
黃鶴並清秋
得何子書
墨爾蒼足

潤別三十月遙傳一尺書汝哀卞子王余飽武昌魚海上
上虞卿老山中杜若舒行藏兩未得吾道竟何如

戲贈祝靜庵同年二首

知子久好道日日念青山瑤草何人贈丹砂幾歲還壺
中多福地海上遠塵寰胡不高飛去依依朝市間
尋仙脫塵網採藥入深山祗恐茫茫去雲深不得還誰
真生羽翼道豈離人寰昔日松喬輩今能在世間

初夏即事

忽忽青陽暮悠悠朱夏初庭榴紅試益海燕紫穿廬
日書慵展愁心髮欲踈南薰歌一曲惆悵意何如

日試初炎氣江寬積雨波淹留且歲序飄轉任逢科堤
線搖風柳池錢貼水荷同心二三子携酒數能過

悠悠

蕭散日悠悠真如不繫舟雲霄時比望江漢自東流佐
郡乏殊績隨時無遠謀本來懶簪紱祗爲世恩留

江亭夏日

龜峰媿住客漢水濯煩襟暑少侵江氣亭幽覆竹陰日
長偏閒寂雨積更蕭森念此閒居久能無生隱心

經寶泰廢寺

借問何年寺東林空紫烟草深無故道野闢有新田碑

仆蒼仍餽宮殘鐸尚縣也難逃劫火何處有諸天

在楚

夏來仍在楚索處轉思鄉吏隱真何事醉吟時不妨山
圍孤閣翠菱散一池香蕭散吾將慣無勞歌楚狂

厭雨

麥田方怯潦入夏雨頻來江漢翻天去雷霆破地迴底
須雲滿野空有酒盈杯脉脉凭闌罷繁愁不可裁

飲黃叅戎雙檣草堂

飄零念孤跡窈窕甜雙檣雲塢邀深坐塵顏愧靜居竹
枝巢水鳥石沼入江魚高尚真憐女投閒四十初

浮世名何用閒居道自尊鳥鳴雲樹靜徑裏薜蘿昏白

髮今馮異丹心古馬援知君陰德厚玉立好諸孫

訪畢世傑山居八首

谷口訪高隱風傳擊鼓耕倚松招白鶴認藥劔黃精禾
分雲林好生憎世網縈蔗漿兼茗飲漸覺旅魂清

到此可忘世溪風松下涼落梅金滿地迸筴戟穿牆借
石爲棋局臨池戀芰裳坐憐幽意足不厭野人漿

石徑松蘿細沙田水稻昏口疑彭澤里不異浣花村鳥
起驚壺矢葵香襲酒尊相逢不一醉恐負山東門

沙竹江村靜茅堂傍水開相求無伴侶共藉莓苔課

僕勤農事催詩試客才杳然有高興潦倒不停杯
看山馮小閣問柳到孤村洞色陰陰淨薇香冉冉繁人
稱將翅逕老灌漢陰園安得脫鞵束訪君時叩門
東郭佳山水莊居汝占多百年真樂地長日任狂歌野
色幽梧竹池香散芰荷晚移亭上酌擬借魯陽戈
四月寒雲谷探奇願不違夕陽鐘出寺小徑棘牽衣
菜杯盤便風塵重馬稀沙鷗不飛去應是共忘機
野上烟雲暮城頭鼓角催高談移白日嫩雨弄輕雷短
笛牛羊下空階鳥雀來清遊償夙抱擬醉習池回

登樓

縹緲仙樓迥長凭興不孤
扳躋踈病體吟眺想清醅暑
氣清江漢陰涼奪舞雩
儻然不欲下渾似坐冰壺

夢與空同人復論詩

二賢不可作客夢忽相逢
詩品漢唐上神遊天地
帶古今無李杜關洛有英雄
淚洒楚江水從來君子窮

再簡靜庵鳳岡

風塵空老大天地幾倉皇
白髮何容易金丹益渺茫
玄珠無處覓真種有時荒
倘得三關助寧憂萬劫妨

觀悟真篇有感

谷神元不死動靜妙玄機
復命非空復歸根豈漫歸有

爲終害道無變不通微宇宙在吾手如何悟者稀

過寶通寺

避暑何所往唯應此寺來秋聲起寶樹溪日抱銀臺倚
竹憐黃鳥開襟藉碧苔不辭方朔飲濺雪瀑如雷

懷黃鳳岡二首

雙樗堂名

矍鑠鳳岡老杜阿無是非時歌竹葉盡身着芟荷衣一
自楚城別幾宵魂夢飛遙將四十字不但惜相違
豈無交識者似爾自應稀風誼久人遊歎名早歲輝江
雲吟處暮沙樹望中微重憶雙樗別狂歌一醉歸

秋日勘災書感

豈昧垂堂戒驅馳不憚煩秋餘三伏氣煙靜數家村民
病還多賦時憂可具言報災吾敢後萬一乞

君恩

七夕書懷

落落殊鄉客堪令此夕逢人間闊別恨天上女牛同竹
葉傾孤月絺衣怯緒風河橋倏爾就烏鵲豈微功

秋郊見雲態奇甚感賦

古道夏雲奇秋原今見斯真如龍倒掛忽訝馬爭馳神
物元難測玄功似可疑蒼生望霖久竟惜一瓢施

別馬抑之別駕赴兗州二首

秋思更逢別相看無限傷索居同落莫新命獨輝光請劍
悲前事歌驪盡此觴不知東魯鴈何日到三湘

又

不忍馬周去欲行還把衣祗深遷客恨更惜故人稀報
主豈云暮冲天從此飛西風催別駕迥立思依依

秋日蘭溪舟中

孤舸借雄風飄然走馬同江豚吹白浪秋日醉丹楓讀
易逢窓下移家萍水中三年淹薄宦國事竟何功

舟晚獨酌

落日蒼茫際到舡河處鍾鳴蟬踈樹靜立鷺白沙叢酌

喜邀初月帆能飽正風微官足簡懶底用嘆嘆飛蓬

見盆菊欲花漫書

玉蕊舒盆菊金風肅草堂爾從催氣候吾不厭秋光詩
債償難盡梳洗淡欲忘佳期近重九擬辦對花觴

九日西樓對菊二首

一歲一九日誰能百歲留宴叨同上客詩合紀西樓不
對黃花醉空瑤白髮憂古來多勝事今日擬金裘

偶縱高樓目雲霄正渺茫江光入虛牖鴈影下斜陽搖
落何人賦登臨此日傷悲秋少陵老強醉菊花傍

一樂堂爲卓生寄壽乃翁賦

楚國經年客莆陽一樂堂秋雲時在望萊絲夢稍觴春
草方敷碧秋風又薦涼誰將游子意寫寄鴈南翔

謁豐山祠

下馬薦蘋藻瞻依重感余蠻鄉猶俎豆宋室已丘墟古
壁丹青剥秋山草木踈艱危天意在客淚謾沾裾

九月毒炎如夏書感

撫序秋將邁炎蒸何大驕蚊蠅喧未減蕭艾色偏饒紙
覺絺衣厚空云梧葉凋端居感麟史試看李梅條

詠庭前菊

木向三春競偏饒九月榮姿添秋色好香助旅魂清見

爾不嫌晚撥英無限情南山亦在眼祇惜少淵明

除架

雜時功成後孤撐覺爾危此心無愛惡天道有盈虧猥
瑣除繁藹光明接淨曦客來瞻視改因慨少陵詩

九月二十日庭菊盛開再咏

對爾鞿懷好娟娟白間黃露凝偏出色風靜更能香已
足三秋味何須九日觴所期長爛熳不改歲寒霜

送陳司訓歸蜀

一羶甘十載萬里返孤舟峽急秋猶險官貧老益愁劍
雲迎旆色鱣館憶風流李白青天咏分杯爲爾謳

少溪爲周生賦壺公山名玉礪水名皆近少溪

予寔濂溪後何軒號少溪波凝光展鏡月晃碧如圭秀
浴壺公畫名於玉礪齊風塵吾欲厭倘許濯纓栖

瑤峰爲高二守賦峯在海中

屹立滄溟裡蒼蒼卓碧瑤浪排千古靜天插一峰嬌靈
秀鍾人特崑崙發脉遙丹梯一萬丈平地造青霄

肖山書屋爲卓生賦

莆郡本多士卓生稱取良結廬肖山側藜火騰奎光地
靜書聲遠岩秋桂影涼終看鵬鶚奮莫忘薛羅堂

可山爲周子賦

之子惟山可長歌仰止詩屹然真獨會愛矣豈它移眼
底百年擾胸中五嶽竒亦知仁者樂尼父不吾欺

秋日謁關祠

秀攬江山勝儀瞻體貌竒二分無故昂百代有危祠嘉
會風雲歌秋天蘋藻悲人言精爽在時或見朱旗

石峯爲余生賦

石屹立水中

壁立吞靈氣天遺壓巨流烟雲從變幻苔蘚自春秋豈
謂廟堂且能淹鷗鷺洲感時思砥柱日往富川歟

南崖

崖在分流山之南

截嶠凌南斗千盤到上頭諸峰低擁翠二水渺分流秋

淨烟霏歛天空島嶼浮竒觀不可盡落日更登樓

寄鄭寧波一首

棘庭漫草鄭詩刻也

亦知能念我落落富川隈越海波寧未瀟湘鴈盡寒對
床時白下並馬地金臺歲晚懷無那天長首重迴
三刀吾且爾五馬女優哉望劇江頭鯉情深夢裡杯棘
庭音入雅海國政如雷不盡停雲思西風獨上臺

寄題鳳棲崖

崖中相傳有紫衣仙處焉

軒豁自天地玲瓏真鬼神口餘丹火竈不見紫衣人
身何年至梧桐空自春寄吟有幽意陟眺底須親

雨中柬蒙溪

不分朝來雨蕭蕭如許鳴風欺客絮薄雲妬晚天晴江
上魚龍滯沙頭鴻鴈驚知君有佳醞倘許破愁城

蒙溪席上賞十月菊

菊名紫袍金帶

久矣繁華歇遲哉爛熳芳黃園金作帶紫簇錦爲裳正
色超凡草穠葩麗晚堂近筵看轉劇莫訝不停觴

早寒

水國生寒早綿須昨日衣垂垂晚菊發蕭蕭北鴻飛未
慣逢迎習虛憐夢寐歸酒杯與吟筆時得一兼揮

經泰和寺感述

清絕山頭寺吾經感泰和驚塵榻來擾擊壤古時歌僧

嬾鳴鐘晚林昏鋪葉多寶珠真底用只解照蓮窩

冬日紅菊

的的看來好居然春色回不於冬日見祇道杏林開琥珀何須並冰霜莫遽催天寒花亦醉吾可輟吾杯

詠庭鹿

挨頭防過鳥抵角狎嬉兒無復碧山跡徒然青山思虛名真汝夢馴豢不人疑靈囿他年事樊籠莫漫悲

見梅

金盞方辭菊瑤花又試梅天時剝後復春意雪中回逋老狂吟在何卽遠興來底須頻索咲見爾自顏開

予訪周子至銀山寺飲於蘇亭頃郭氏三子各以酒肴來附是日雨陰游觀弗遍三子曰昔蘇坡訪李翱茲山遂顯公今暗周將無同乎余采敢當作詩見意

訪友銀山寺山高雨色寒摘蔬供酌便烹茗汲溪難木落深巢見岩香細菊盤狂歌倚鉄壁諸勝不須看久不見吾友相看情自妍一僧鳴閣鼓三子合亭筵雨倦登高屐杯寬欲雪天偶同蘇命駕薄劣媿前賢僻遠可銷俗吾來不記遭橋頭僧慣逐峰頂寺能高蓮室香燈靜雲林虎兕號清時還偃寒雙髮愧蕭騷

世事青山好乾坤白髮新老僧猶擊磬凍鳥采吟春痛
飲堪吾輩悲歌吊古人不應瀟灑地感慨重傷神

兩溪爲朱子賢賦

白髮兩溪水清風一釣艘對流搖日月夾鏡淨雲濤意
得滄浪唱名隨鷗鷺邊澄清有令弟砥柱屹滔滔

冬晴

逢逢風徹夜已卜曉來晴雲淨天能碧江寒氣倍清樹
暄娛午鳥山翠入孤城底事登臺倦凝眸有遠情

遊飛雲洞

洞中石形宛似人物上有一孔見天

寺比飛雲洞雲時自飛萬形天造似一竅日容輝古
跡僧能道茲遊願不違三年飽奇勝似此眼中稀

赤壁山亭夜酌次韻二首

海吐洲前月盈盈向客浮聲寒落木外愁破紫岩頭莫
昇何須問蘇坡不可留接天楚江水今古恁悠悠
平生愛山水雙屐不嫌勞神助詩偏好冬遊思亦豪榮
名真鹿夢身世本鴻毛吏隱吾兼得醉鄉聊可逃

海山卷壽曹封君伉儷八十

八十鴻光健封地龍誥新岡陵元有祝滄海本無津公
豈木公是母曾金母隣流霞一萬酌一酌一生辰

鹿泉丹飲見佳菊數品歸以詩索之

夙心偏愛菊吟賞醉高秋未論陶二徑真憐汝一舟霜
欺番色艷客至爲香雷乞取寒芳過茅堂伴酒甌

舟泊道士袂遊龍窟寺及報恩觀二首古牛散花俱洲名

江上北風急停舟尋勝遊寺紆三里徑雲護一仙樓寒

窟龍應蟄深林鳥自幽乞詩僧洗硯寒月散花洲

千尺孤峰峻三年此度遊吹笙迎羽客攬勝上層樓水

落古牛起松清雙鶴幽鐘聲出蘿竹漁火亂滄洲

富池蒙溪瑤峰酒集

舟泊富池口波搖夕照紅何知二妙至又得一尊同野

迥靡蕪白風高鷺鶴雄酣歌擊長劍寶氣已凌空

萬竹茅堂少飲

捫藤轉丹壑穿石到茅堂萬竹凝杯翠千山抱日黃試

聲敲石磬採勝入奚囊白日烟雲淨飛眸破混茫

百峰爲劉生賦百峯劉生號也

翠色浮千里青天落百峰秀凌衡嶽上根插漢江東疊

霧埋潛豹蟠松矯鬪龍降靈合生汝總角萬夫雄

咏石磬浮金古磬名

洞口一懸石浮金亦避形苔深滋古色風擊出奇聲豈

爲齊竿亂應同衛磬清廬山鐘作配千古播佳名

少泉爲張本盛秀才賦

誰謂斯泉少支流祗一涔盈科終會海潤物豈殊霖川
土胡爲嘆源頭莫漫尋古今觀水術軻也獲余心

重過劉生南塘半山洞用杜韻五首

韻里

獨有南塘好幽奇拗可書千秋半山洞萬竹一茅廬
密時聞鳥池清自躍魚風塵勞未了愛爾白雲居

隨世心元懶看山興不移峰嬌貪百里曲妙醉群兒吟

對千章樹魂清百頃陂野花偏媚客爛熳點疎籬

竹裡茅堂淨斯遊憶曩時得魚親作鱸把酒遍題詩山

意忘簪組霜華付髮絲興來即命駕於汝更何期

別此纔三月新松如許長雲歸元入洞笋出自排槍但

得從猿豕直令辟稻梁君應笑塵世底事日皇皇

潦倒不嫌醉浮生誰百年看雲銷俗骨煮茗汲甘泉信

有絕塵洞何須負郭田每來吟不倦吟竟意悠然

味鷹

猛氣空凡鳥奇毛亦自文翻身掣紫電決背破秋雲杜
詠多幽意瀟溪羨晚勳可能千百箇擊搏盡狐群

對雪獨酌用杜韻二首

富水三年雪愁催髮欲翁間闔寒徹骨天地慘吹風爐

焰麒麟赤杯翻瑪瑙紅半酣豁吟思歛覺世情空

裊裊簷前雪清吟襟自看誰能訪戴叟吾只念袁安聒

樹鳥求食依人鹿怯寒香醪敵嚴氣莫惟百杯乾

冬日富川漫述用杜韻三首

白髮慈帏健清時楚水遊苦吟無杜思索處有張愁激
烈心還赤蕭疎髻欲秋一枝棲不厭誰謂是淹留
千里南荆國丹青失舊宮惟餘江漢水浩蕩祗翻空酒
費霏霏雪裘添颯颯風乾坤奔無色何處辨西東
落木悲孤客驚鴻起冷沙兵荒三四歲凍餒幾千家世
事浮雲去茅堂白日斜詩成多感慨忍得向人誇

有哀

北望頻回首風烟慘未開伊人胡至此今我不能哀惟

悴朱雲檻淒涼郭隗堂招魂應有作萬里爲君裁

近聞

昨者比來使傳聞恐未真九重更耳目諸子解簪紳天
地元多事朝廷賴有人孤臣雙淚眼此日更沾巾

輓詩

誰爲直御史慷慨獨憐君一死更何惜千秋知有芬豸
威元觸佞驄足本空群此日烏臺栢風聲不可聞

落日

日落江霧浮蕭索草堂幽切切隣家笛搖搖何處舟寒
砧無緩響獨坐不禁愁誰有香醪在貂裘即汝投

題堂後松樹

千尺鬱蒼蒼，青天蔽日光。
嚴冬排朔雪，小榦覆茅堂。
影龍橫壑，吟風耳入簧。
工師寧舍汝，偃蹇本巖廊。

出郭

獨馬西郊外，暉暉山日涼。
霧深江色暗，風勁竹枝黃。
沙漠還多擾，衣冠存可傷。
富川今日客，雙鬢爲誰蒼。

有客

有客來燕北，新談綷綷長。
已知司馬相，定卜宋朝康。
日月開天地，風雲豁廟廊。
中堂聊一咲，把酒咏明良。

寄陳南安

北闕朝駮並西曹，折獄同飛纓。
君五馬場，翻我孤鴻富。
水滄雲處，南安入夢中。
故人踈底事，惆悵一緘通。

詠竹用杜韻

脩脩堂畔竹，稚筍漸凌墻。
嫩翠籠烟濕，清陰散夏涼。
鳳毛久弗覩，花實可憐香。
且作少陵伴，新梢莫厭長。

富川茅堂遣興

川上茅堂靜，琴尊傍竹林。
百年幾遷客，四海一沾襟。
塞馬從渠失，楚蘭時獨吟。
本來厭拘束，索處獲初心。

小至酒集次韻二首

小至杯盤集，孤城晝刻長。
風飄雪裊裊，雲漏日荒荒。
吾

道何消息天時有主張君看瘦厲裡梅蕊故衿香
此節驚三遇吾衰感二毛日偏閒處長詩趣苦心高雪
裡潛春意尊前試嫩醪書雲臺懶上極目寸心勞

冬夜

鐘鼓罷初夜端居有所思清燈時獨語急柝爾奚悲處
世豈嫌拙成人寧論遲從來不朽士起跡自顛危

種竹

課僕栽新竹休令翠影踈乘時須臘月乞種自村墟杜
甫東林補玉斝佳興舒山堂觴快靜瀟灑稱開居

養拙

養拙富川上故人踈未踈君看三載謫誰寄一緘書關
寒虛鴻鴈江湖絕鯉魚山堂終日閉真似子雲居

紀異

嘉靖十四年十一月壬申日夜半萬鳥喧飛過富水聲震林谷余聞之作此詩

長至前三日喧飛萬鳥來波濤天上洶甲馬夜中迴雉
雉商宗懼鵠鳴卽子哀麟經紀宋鷓物異豈無媒

憂

水旱年年歎征科處處逃流離橫道路剗截江濤白
日群豺吼中宵萬鳥號民憂與物變短髮日蕭騷
千里蕭條甚年年生事微乾坤憂不細農圃願多違時
有星辰異民多寇盜歸安能黃杜輩立使一方肥

李氏二生來饋雙鯉

竹筐雙魚躍茅堂三妙來儀多將汝物愁破值吾杯無
復游僑泊安能起禹雷金盤飛鱠雪能掌令應灰

臆日用杜韻

臆日詩能好客邊愁欲消雪無當日片梅有接春條待
罪猶荒郡寬恩自聖朝含情對江漢搔首向雲霄

雨夜聞笛用杜韻

夜靜南隣笛淒淒巧弄聲惱人妨夢寐帶雨半分明已
得表生妙堪悲馬援征關山正靄霧可得月華生

夢少陵

未信少陵死居然夢裡逢酒如平日愛詩謂晚來工齊
名容李白識字眇楊雄不恨吾生後猶能精爽通

昔年曾一夢未似此分明自述憂時意無心求後名效
輦軒陋質曠世應同聲無限羨墻念鷄鳴感悵并

讀何吉陽作

吉陽何子沂別號也何寄所為詩文請益于余余讀之有畏心焉何

曾索余作吉陽詩久未有以復也因寄此作

秀帙傳雲翼茅堂對吉陽道於今日卜楚有此人光文
踐先秦迹詩升二謝堂大鵬真欲賦吾髮媿蒼蒼

寄題翠屏寺用韵兩崖曾約遊以事弗果

悵望翠屏寺塵緣阻勝遊約虛駉馬交杯負菊花秋白

日諸天靜青天一抹浮獨憐支遁輩萬事汝何憂

郭氏三子携紅梅一幅索詩

白日山堂靜青衿三子來手携梅一幅爛熳絳花開不
數雲邊杏真憐雪裡魁歲寒裁短句春色筆端回

宿先賢寺石龍山名

寒澗山中寺鐘聲靜夕陽石龍奇入座金竹短凌墻雪
霽寒逾劇僧慵髮任長迤禪吾未得愛尔白雲房

丙申元旦

三值正元日長歌富水涯暖催寒谷鳥春動故園花髮
變無須訝尊空不厭賒索居何事業如此荅年華

贈李生宗川還進賢生號鉄筆

西江李鉄筆抱術謁公卿白下聲名久曾中星斗明老
年愁道路春日返鄉城賦與吾生定何須問五行

越臺爲朱子賦越臺山名朱別號也望海凌雲
俱臺名

望海罷秦力凌雲畫魏財何如無九累突兀接三台形
勝標南越靈奇挺異才登臨時載酒不爲察祥灾

六言詩

秋白江村即事五首

千里蒹葭鶩鶴四郊煙草牛羊人向竹村沽酒田喧金

鼓逐蝗

又

紅蓼白沙水淨西風野樹蟬多客息一天鴈影夕陽幾
處漁歌

又

兩岸紛紛落葉一江淡淡斜暉避人鷗鷺飛去採菱兒
女歌歸

又

天接煙波漠漠風踈葦荻蕭蕭底事人爭喚渡昨宵雨
急崩橋

又

歷歷窓前山色逢逢枕上風聲孤棹又之何處百年未
了浮名

漫述四首

竊祿半生笑我封侯萬里何人委吏豈卑尼父高官不
耀蘇秦

又

多病來疎藥餌非才亦誤簪紳借問紅塵白馬何如野
服綸巾

又

吟詩日能百首飲酒時可數杯未改踈狂故態豈為富
貴良媒

又

白玉蒼蠅未損丹心黃髮難移不怨不尤最是多憂多
懼奚為

文

天

鄭少白詩集卷六

五言排律

初夏遊蕭園次韻

閩鄭 允璋 德卿

天地歸春日壺觴出郭時
 園林諧夙賞童冠喜相隨
 花竹虛堂靜烟蘿古木垂
 探奇豈憚遠陟峻不妨危
 白日消棋局青天落酒卮
 詩成銘翠竹纓濯弄寒漪
 勝境疑壺島流光惜髮絲
 好山張遠畫靈巖發原颺
 絮參鷗舞晴絲絆蝶飛
 孤雲間入洞返照欹然惟
 短榻分苔坐輕筵逐景移
 客來芳草閣魚躍寒池
 雨輪蹄靜天

成讌集奇摘花還自惜倚竹不緣波
有所思先憂慚范訓成趣感陶詩
在斯趨墟人絡繹喧樹鳥來聲
遲披襟興不淺

行樂偕朋好尋芳到水漣不妨眠
奏笙簫竹池喧鼓吹蛙青山環
鳴幽鳥雲邊落暮苑百篇漸斗酒
南美肴蕪水陸嘉雅歌從倡和醉
遇村沽尚可賒玉觴休住手義旆
不停車

詳慎卷爲王海山老先生賦

赫赫大司寇明明總憲卿情懸藻鑑八法屬權衡克
慎情斯得性詳法用精魯詩稱淑問義易尚艱貞有斐
王夫子無雙國士英廟廊資柱石彝鼎勒勲名身荷三
朝眷胸藏數萬兵范風寒虜膽韓望振天聲清白承先
世威儀仰後生帝心方倚毗天語重褒榮特簡輿情協
交孚德業成本兵猷素壯弼教責非輕止辟先須辟明
刑欲措刑九章匡世典五用導民旌明勅新汗染防閑
遏亂萌調元建有極聽訟息無情不犯虛縲絅相忘樂
斲耕一臯熙帝載有代仰神京

贈金相士宗雅

金生抱相術所至動公卿老得華山訣高爭衡嶽名懸
河雉論好夾鏡兩眸明福壽歸吾母榮名許阿兄我慚
無貴骨君取有神睛秋鶴憐同瘦寒梅擬並清玉堂疑
過獎丹桂擬多榮徵證他年事留題此日情

甲午元旦十四韻

甲午正元日乾坤又一春九重端袞冕四海悉尊親日
月玉網燦唐虞帝德臻雪消江漢冷鬢改歲華新玉曆
頒天上東風到海濱三陽回暖律萬里感孤臣躍馬懷
京國聯鵝憶禁宸山河懸日麗海宇轉風淳地僻交游
少官貧僕婢嗔飛騰還有日流落莫傷神天亦有寒暑
人能無屈伸椒花歌頌好竹葉放眉顰薄領供時事詩
篇寫性真謾言吾道困生意動江津

贈馬檢庵十六韻

我愛馬周老十年我豈冠丹心堅石介鐵面照霜寒
矧落超塵土飛騰振羽翰水壺懸皎鏡砥柱屹狂瀾請劍
生何惜牽裾死不難烏臺風凜凜駟馬氣桓桓慷慨陳
時事憂勤陋素餐漢庭多涕淚梁獄倍辛酸盧老著書
好東坡飽飯安吟詩富川曲濯足楚江干河洛聲華舊
岩廊譽曷膏鹽車終辯驥枳樹可淹鸞流落同今日從
容處小官歲寒見松栢交好永金蘭岐路莫悲阮斗山

胥勉韓他年老德業期不負盟壇

憂旱二十韻東馬檢庵

炎風燎赤野旱魃逞驕陽枯樹鳩聲愴空齋客思長年
荒千里葦江沸萬鱗殃渴虎窺泉澗痴龍卧水鄉免冠
虛禱請散髮欲顛狂底事甘霖絕多時火氣張天災還
有自人事詎無傷似媿隨車應空思前爪芳皇皇占礎
潤戚戚見雲蒼賑恤籌勞晷寒盜可防不才叨組綬
無意對杯觴萍梗嗟漂泊詩篇度景光愁深看短劍宦
冷任空囊散地懷廊廟殊方戀梓桑久懸霖雨抱安得
赤霄翔流落經年久紛譁入念忘風塵同簿領竹柏共

風霜念汝宗陽曲憐余富水傍憂心向誰道踈髻逐時
荒一曲傳湘雁來音早寄將

還意用杜三十韻

瀟灑草堂蕭蕭蒼海萍水春燕鴻二改候天地一遷人薄
劣慚軒冕冠履似侵巾青天橫碧眼白馬倦紅塵冷窟
蛟龍蟄深山虎豹隣揮杯時取醉吟筆日增新未敢辭
泥淖焉能拔等倫慈帟頻入夢丹極遠馳神司馬還多
病坡仙果後身未膺經世責頗耐守官貧鵬鷃高難附
芝蘭切欲親江湖且日月鐘鼓但昏晨末俗爭歆耀浮
名咲認真丈夫須磊落志士忍艱辛粗糲聊充腹常羞

肯慕瓊簿書偏喜簡觴味不嫌頻翻察其窮老由求本
具臣錄浮時遣南貂弊孰憐秦泛泛鷗相近呦呦鹿漸
馴冥搜秦漢上恬養富川濱曲學妨初抱幽心莫具陳
賈生狂未減宣室名何因要識憂先樂無論屈後伸聖
朝容拙物天意寓深仁世事看新局韶光轉疾輪樹勳
思勒品抗節擬凌岷賦與誰非命騫騰自有辰齊門輕
鼓瑟渭老故垂綸眼底多蕭艾人間少鳳麟鑊試盤
錯冰雪判蒲筠

見邸報悼薛黃門曾侍御亡

天地悲歌裡存亡醉眼中百年都是客一死獨憐公檻

折英魂慘麟傷世道窮漫傳疑邸報感泣及兒童有筆
歸遺簡浮生付斷蓬索居富川子莫訝髮如翁

在楚三十韻

興國封疆僻蠻荒瘴癘稠方城非昔險漢水至今流毒
霧朝朝黑雲霾故故浮謫居安陋壤佐郡之殊猷采澗
傷蘭芷誅茅傍竹丘入厨無肉味饜腹有來牟職廢緣
踈拙心閒絕怨尤放狂渾不減慮患未能周萍梗隨漂
泊乾坤信滯留悠悠看萬事落落度三秋敢謂公如鑑
生憎曲若鈎驕堪跼踏斥晏謾喧啾琬琰慙勳業犁
鋤憶前疇國恩深未答民瘼痼難瘳夷性嗟羊大人

類獍猶化神吾敢望風俗日趨偷堂陞忘名分睚眦動
劍矛邇來尤狡獪似覺費懷柔水旱凶連歲飢寒盡一
州兇頑歸寇盜賦歛逋誅求萬井晨炊息孤城夜角愁
膏兒爺哭路畏賊婦登樓雪天荐焚屋窮村多住舟雪
中人着絡野上芋填溝日午豺狸出山空罔象遊裘寒
貂蟲蝕髮變雪毫抽借問塵中馬何如海上鷗惻時詩
句隱觸目酒杯休經濟思王霸絃歌羨子游不才慚二
子寧免素餐羞

若霖入學勉示以詩

汝寄家書至方知補邑庠衣冠新氣宇俎豆舊宮墻禮
樂群英地綱常百仞堂隆師非束脯會友豈文章忠孝
齋前哲詩書探奧囊觀人先器識戒汝勿輕揚借問陶
家子何如孟氏郎撞樓吾敢望幹蠶易稱良白日毋虛
玩青雲合遠翔書香能播馥祖德驗流光未可離官守
何由落汝傍裁詩示宗武淚濕少陵裳

憶若金若舟

金子頭角聳舟兒眉目清迎賓知揖讓賦性得聰明論
孟方粗誦言談似老成在家能我念戀母亦人情童限
時勤藥書齋夜省繁幼冲偏憶汝眠食好隨兄別日揮
雙淚何時授一經見渠勞夢到覓句禁愁生

鄭少白詩集卷七
寄郊和欽三弟
天滄久矣斷鴻音南望勞勞繫遠心謝老夢中春草碧
狄公愁裡白雲深遣情每借杯中物寫意時開案上琴
桂玉不堪供久客邇來四月乏黃金

鄭少白詩集卷七

七言律詩

寄郊和欽三弟

天滄久矣斷鴻音南望勞勞繫遠心謝老夢中春草碧
狄公愁裡白雲深遣情每借杯中物寫意時開案上琴
桂玉不堪供久客邇來四月乏黃金

立秋風雨偶述

夢回枕上清魂雨葉舞堦前應候風天道北行衰火柄
尺書南去托賓鴻蕭蕭山色憐燕樹惻惻砧聲起漢宮

却憶幽風獻王業素餐祗覺愧周公

上陵感述

新秋雨露悲龍衮小相威儀媿駿奔
萬里風雲龍虎踞七陵香火古今存
靈光潑潑在天地文武雍雍聯鷺鶴
先壠幾年荒展謁可能一䟽動宸閣

十月五日對雪次韻

同雲漠漠天如暮風捲楊花處處飛
稚子喧迎藍虎過禁鍾靜放玉鴉歸
堤邊寒柳未舒眼江上老梅愁放醵
多少陰崖幽澗草不知何日見春暉

次韻林見素司寇歸田留別

短䟽朝投夕促裝秋風萬里別情長
江山有約歸來老廊廟空煩物色忙
知命哲人能去國候門稚子喜還鄉
試將往事方今日綠野何如青野堂

青野公居也

別胡廷用

異鄉同館已非偶况復相親若弟兄
霄漢有期他日遇肺肝無惜此時傾
三秋槩劍催行色萬里烟雲引別情
尊酒臨岐謾惆悵久要知不負平生

送張上舍歸綿州

綿州從古稱多士兩月論文惜爾才
璞玉未應同瓦礫驂驪能久混鴛鴦
黃金闕下分杯去白髮堂前咲口開

相見匆匆相別亟夢魂時遶謫仙臺

春日病起

憔悴羞看清曉鏡流光祇減少年容懷春有句招人和
坐夜無燈覺我慵勿藥已瘳新歲病彈冠須趁早朝鍾
青雲謾說酬初志襪線方慙負袞龍

迎駕

禮成大報翠華歸文武趨跲迓袞衣玉宇風青春浩浩
金臺塵淨雪霏霏樂鳴鸞鳳來三島旗動龍蛇擁六飛
精意格天祥福萃聖顏今日倍光輝

元旦早朝即事

紫陌鷄鳴催馬蹄曙鍾聲徹鳳樓西一人高拱瞻依近
萬國懽呼舞蹈齊殘雪欺春還白砌東風放柳欲青堤
爐烟玉珮班初靜廟祀傳宣引玉圭

鄭少谷歸田枉詩次韻荅之

如何三十齒先頽毋迺憂腸日幾迴杜甫詩篇多感慨
陶潛文字只歸來半生故國林丘好何處新亭兒女哀
欲賦閒居贈吾子尊前時擬紫雲高

開堂未作百年計抱甕聊爲此日謀試問羊腸還駟馬
何如鷗水且扁舟紛紛西北風沙暮寂寂東南草木秋
留得故園三徑在不妨元亮獨經丘

端陽京師

光陰忽忽又端陽遊子天涯幾斷腸
筆硯半生驚畫虎東西何處覓亡羊
詩筒茶鼎酬佳節蒲勺龍舟憶故鄉
雲樹蒼茫天萬里夢魂無礙到高堂

送邑簿張世弼之上海

金臺三月風沙暮折柳都門愁客心
未見窮民知賣劍豈應終日伴鳴琴
雲間財賦還多事眼底瘡痍定不禁
佐理爾能敷善政殷勤予欲領佳音

贈御醫錢孔元歸姑蘇

天上憐君拂袖歸春風萊綵戲慈幃
直辭京國返鄉國旋製荷衣更錦衣
雨露香林多世澤江湖鷗鳥遠塵蹄
卜陵他日虎丘曲千頃雲頭共馬蹄

觀潮

錢塘之潮何處來掀天搖嶽真雄哉
不愁駭浪沮舟楫喜得流雲凝酒杯
九霄龍鬪倒南海萬里鵬飛摩上台
擬借仙槎泛河斗凌風直入黃金臺

春夜湖樓獨酌

百尺之樓千頃湖湖光潤瀆鳴鷗鳧
鳧鳧清尊安得美人共深夜厭聞孤鴈呼
惻惻寒欺酒欲散微微月入簾還踈
閑愁無計可驅遣詩句酬春聊自娛

少白詩集卷七
四
荅葉蓮峰惠龍尾硯

故人遺我蒼龍尾錦理羅紋畫不如靈氣毓成尤物後
神工剖斷紫雲初鳳唳鵠眼休誇異玉質金聲豈浪譽
擬倩良工銘歲月報君應媿玖瑤虛

雨後登樓西署

隔牆蛙鬧池塘雨催鴈風高天地秋畫省一官還落落
萍蹤五載祗悠悠樹留暮靄迷宮闕雲散遙峰入署樓
却恠年來緣底事夢魂無夜不南州

壽朱菴溪宗伯八十

宗伯投閒八袞強官家多事付人忙沙鷗因月菴溪艇

圖史絃歌畫錦堂松傲寒霜同晚節梅飄香雪入春觴
九峰三泖長流峙樂壽如公總未央

送張秋官南歸兼壽迺翁

仙郎乞養遂歸私共羨仙翁晚節奇鶴髮映着萊綵戲
龍章光捧聖恩馳虎丘花鳥供詩句震澤波濤薦酒卮
慈孝今儀鄉國式芳名應並二疏垂

臘月三日對雪次韻

凍雲釀雪暗關山萬戶千門白渺漫迎日簷頭銀筍折
立鴉枝上玉花殘江南人卜豐年兆塞北誰憐遠戍寒
冰視謾嫌呵兔穎塵埃暫喜息長安

底事朝來不見山
乾坤黯淡雪漫漫
光分月色入窓白
氣助風威催歲殘
未有詩篇追大雅
且憑尊酒却嚴寒
忍看凍餒填溝瀆
愧乏才猷獻治安

昨日雲迷雪壓山
今朝四望更瀰漫
舞空鶴訝踈翎墜
倚砌梅疑弱片殘
未許天孫花並巧
獨憐庭栢翠凌寒
眼前風景撩人甚
不用敲推句自安

沛縣沮風登歌風臺次韻

沛水日中維短棹
歌風臺上讀巍碑
雲飛風起猶前日
虎息龍休感後思
順應天人非偶爾
矜誇父老欲奚爲
却憐帝子權娛地
說與稚夫漫不知

劉季當年歸故沛
歌風此地見殘碑
威加四海非神武
法約三章慰渴思
秦鹿已歸天日表
楚猴安用霸王爲
謾言佐漢良平最
老董胸中却有知

臺上已無赤帝子
臺前空有漢時碑
強秦坐失坑儒策
猛士何勞返沛思
逐鹿項亡歸曆數
斬蛇姬泣果人爲
寬仁延歷過三百
肯事詩書未可知

宿武夷宮次平嵩韻

晚來值雨息
長征羽客吹笙乘燭迎
勝景未遊空入望
好峰無數不知名
仙舟佛骨遺靈跡
沙鳥蒼雲咲宦情
却喜洞天容半榻
一塵不到夢魂清

聞蟬

噫噫西風碧樹陰
幾番清切幾番沉
江亭閒寂能禁汝
節序推移忽愴心
須畏螿螂乘暮出
也應蟋蟀接秋吟
駱詩曹賦多情思
天地誰爲一賞音

重陽潮城見菊

秋老潮城覺漸涼
却憐風景似吾鄉
黃雲壓地野禾熟
清氣熏人山桂香
籬畔參差明菊蕊
天涯寂寞過重陽
風塵竹葉無緣分
役役慙予底事忙

赤水灘遣悶

青迷遠岫留陰靄
白噴寒溪滾雪湍
黯黯瘴雲偏曠兩
稜稜疊石故成灘
孤舟緩泝心逾急
百丈橫牽力更難
已借新詩排積悶
還憑清醞引新懽

暮至通衢驛次韻

長樂驅馳六十里
通衢列炬遠相迎
可堪職曠多隳事
所經郡邑且喜年豐
暫息兵山迓旌旗
收暮靄風揚鼓
吹振秋聲胸中自信
踈經畧閩外能無負
聖明

登白鶴峰謁東坡祠次韻

宋迄于今幾百春
惠州猶憶長公輪
蠅污白壁還誰玷
法變青苗祗自新
鶴去高峰留廟貌
溪涵秋月會精神
量移此地真天意
要使窮荒識偉人

坡仙不返白鶴愁天闊風高寒氣颺吊古徒增湘水感
停車正值越江秋黨碑祗足表名節奸計那知貽媿羞
采采江離心獨遠溪聲哽咽傍祠流

夫子芳名日月懸至今炯炯照山川雄文欲造昌黎地
正氣難容宋室天底用西豐留寶帶虛煩玉殿賜金蓮
殘碑讀罷峰頭晚獨對秋風一愴然

一壺亭為李東渠中丞賦

東渠名璋謫戍雷州寓居肇慶

渠老茅亭占數椽眼中佳致却無邊七星岩西望橫魁
斗三水鉢東來浸碧天白髮蕭蕭能自遣丹心耿耿為
誰懸一壺拍塞春長滿何地於公不泰然

蕉竹陰陰一逕斜亭前山色不妨遮薰風蓮放移蘭棹
小甕春香對菊花懶向世人談覆鹿醉來詩草點殘鴉
謫居莫道雷陽遠今古英雄滿海涯

蒼梧舟中書懷三首

孤舟桂水波濤壯十月茅烟瘴癘多地遠青天無旅鴈
山空白日有妖魔幾宵客夢三山繞何日鄉書五嶺過
兒女不知風土惡隔窓嬉笑學蠻歌

蕭蕭晚色逐船來戰伐堪聞寡婦哀憂世愧非經世手
思鄉愁陟望鄉臺梅花吹落江頭日竹葉慵擎掌上杯
邊徼已承麾鉞寄微勞敢惜駑駘材

落日蒼茫野色曠歸林無數鳥群分菊香空負深秋賞
獨嘯那堪此地聞寶劍光芒衝夜斗孤舟浩蕩泛江雲
羽書昨夜轅門急愁思西山冠盜群
泉文小軍門議征西山
西山斥堠起烽烟警急轅門檄屢傳擾擾犬羊真可殺
哀哀孤寡最堪憐青萍指顧狼星落白羽逍遙鳥陣堅
獨喜揔戎能節制奇勳應軼伏波前

藤江漫興

夾岸茅茨花竹幽鷗邊撒網幾漁舟生憎赤水驚神魄
頗愛藤江散客愁清韻可人鳴翡翠長梢刺眼長扶留
伏波聞有銅舡在擬借揚帆恣遠遊

赤水灘

桂江之西藤江東中有赤水愁殺儂積石縱橫伏牛馬
奔湍噴薄迴蛟龍百尋纜斷篙楫急三老魄奪風濤洶
安得銅船繫鐵索瞿唐灩澦還從容

至日潯川舟中

至日潯江獨泛舟綠尊底事不銷憂祇憑詩句酬佳節
安得鄉書慰僻陋晝刻乍添宮線覺萍蹤渺逐海波流
北堂燕喜團孫子應念天涯有遠遊
初陽潛復肇春生山意溪容入眼明百種幽懷吟裡遣

十年此日客邊迎瓦缸釀熟空浮蟻羽檄星流未息兵
更覺年來筋力異天時人事總堪驚

遊三海居次前人韻

翠屏丹壁倚雲開萬丈嶙峋逼上台古洞谿研多異態
長松偃蹇總良材尋仙謾道蓬萊遠快目何須金碧堆
刻石慙無好詩句祇憑歲月紀曾來

許多奇怪難窮詰造物誰能測化工石鏡長明虛壑月
蜜房巧結倒崖蜂昌黎謾自誇盤谷勾漏何須羨葛洪
塵夢半生今日破紛紛世事眼中空

輓張可蘭總兵可蘭與余同事卒于師

膺月蒼梧識面初老成文雅將中儒蓋棺東返三軍慟
推轂西征一劍孤定向雲臺叅列宿祗憐瘴海失明珠
凋零後嗣休遺憾汗馬勲名自不枯

春日遊鳳凰山

小隊尋春上鳳凰蠻鄉風物轉輝光貌貅萬竈烟初靜
草木千山色漸蒼師善不勞雲鳥陣功成曾費斗升糧
伏波共說無雙績青史它年試較量

獵鳳凰山得麋

連朝山雨厭霏霏今日開明試打圍雙旆擬安慙將略
七擒如亮仗天威鎔錫光射挽槍落組練晴熏草木輝

一陣香塵飛介馬
懽呼報道獲麋歸

師至新興次韻

旌旗今日駐新州
大暑勤兵豈自由
三月功成非我快
百年亂熄解民憂
壯心夜拭雙龍劍
清夢時飛五鳳樓
嶺海肅清吾分耳
雲扶刻石亦何求

雲扶山名即賊巢也

班師陽春道中聞鷓鴣感賦

曉烟淡淡日暉暉
松振天風暑氣微
仗鉞三時龍劍在
別家十月鴈書稀
踈狂自分難諧俗
遜避何當早見幾
世事眼前應解得
鷓鴣林外不須啼

讀張侍御閉關三疏感賦

武皇本意欲臨邊
雲擁龍旂日月懸
共喜六師尋返旆
豈知三疏已回天
乾坤有淚今偏墮
堂陛牽裾古未賢
似此批鱗能不忤
一時盛事却堪傳

富川至日病中

征車南北逐氛埃
楚國仍逢至日來
荒郡無能慚食粟
初陽有氣驗吹灰
堂堂日月催光景
皎皎冰霜見早梅
脾困經旬勤藥物
可能對此獨啣杯

病起

伏枕蕪旬戶晝扃
謫居猶得簡逢迎
年來似解安恬淡
分薄那能冒寵榮
曉鏡度幾回菜色
寒宵展轉喜鷄聲

簿書了却公家事山水梨尊足此生

春晴約友人遊山

經時不發登山興明日擬携杯酒行野色
獨佳春雨霽飛泉亂落翠峰鳴
爾能杖屨及時往余分江湖樂此生
三月風光隨處好不妨日日聽林鶯

送倪明府赴樂平

十年振鐸著賢聲浪跡相逢雙眼明
富水青衿愁祖道樂平赤子望雲旌
碧舒堤柳牽離思香折江梅贈此行
百里侯邦非小寄好將三事牧群生

吳自山約遊赤壁行逼不及赴賦此

淡淡村烟野色蒼薰風送客雨增涼
孤征已度黃泥坂清興還飛赤壁堂
頗恠無緣山水勝亦知未了簿書忙
相煩爲我謝坡老萬一重來致瓣香

索居

索居久矣富川隅扶病猶堪了簿書
閑裡景光如此過眼前荆棘未全除
愁堅杯戰恠無力意到筆鋒還有餘
江草芊芊回舊色東風知不棄焦枯

羅田道中值雨

百里驅馳山徑長東風吹雨洗行裝
林花向客愁霏靄天氣先秋薦爽涼
竹暗孤村烟火靜虎啼落日僕夫忙

誰能一掃陰霾去放出金烏照萬方

飲沈麓村明府宅

晚衙吏散芳筵啓官燭光分玉漏長月印花陰移几席
雨催蛙鼓起池塘金華春泛濃濃艷綵筆詩題句句香
萍水論心憐沈約敢辭多病負清觴

分司雨霽夜坐

碧天淨淨雨初歇玉漏遲遲宵正長忙裡詩篇渾潦草
靜中心境自清涼竹簾光動千峰月寶鴨烟沉一篆香
檢點半生多少事未能寡過爲踈狂

約麓村玩月

終日勞勞成底用泥人塵事未能麾只宜脫帽花前飲
不厭挑燈夜半歸月色雲光憐此夕山鐘沙鳥送斜暉
爾能發興同看賞爛醉狂歌無是非

答麓村送石耳

三旬脾病未全瘳料理朝朝藥一甌劇喜羅田生石耳
何勞山市覓鷄頭開緘便覺清涼氣對食應忘葷膩愁
旋寫新詩附來使媿非瓊玖若爲酌

久雨戲東譙東谷

暝雨連朝思欲迷隔林厭聽錦鳩啼赤霄底用沉沉霧
岐路空多滑滑泥入夢青山遲共訪哺雛紫燕靜雙栖

知音幸有譙東谷携酒能來興不低

同譙東谷李月峰遊清泉寺寺有陸羽泉亭

丹崖紫洞畫圖開共訪禪林載酒來擬辦清吟酬勝賞
咲忘久戒縱深杯李膺自是千人俊譙秀元非百里才
旋汲香泉試山茗通靈更上陸公臺

夙緣惟與江山厚隨處登臨興未闌野鳥野花皆有得
一丘一壑總堪觀羽觴擬醉藤蘿月衲子能供筍蕨盤
不厭清泉頻澡雪再來與爾共揚瀾

端午龍潭觀舟

錦標鼉鼓喧端日載酒觀舟思欲豪萬頃光涵重氣濕
群龍酣鬪浪花高沉湘人去悲青史吊古詩成醉翠濤
世事從來多拂意蒲觴且得醉江臯

丹泉爲楊汝承太守賦

源頭混混終歸海洞口涓涓始出山已試餘波沾赤子
肯私煉鵝駐朱顏珠翻琥珀青雲濕色奪流霞白石殷
霖雨他年知不忝勲名應與傅岩班

贈楊丹泉之京師

昔年鵝序共鳴璆此日重逢感舊游政澤沛於江漢水
才華高出岳陽樓移官千里雲霄迥迴首三年日月悠
天上故人如問及爲言飄泊一虛舟

五月七日熱

鬱鬱炎蒸不啻焚脫巾何處挹清芬陰崖安得留冰雪
赤日愁看煉火雲身遠管幃間枕扇夢凌松壑漬人群
幾時神物騰江漢大作滂沱洗積氛

見白髮書感二首

不堪懶散佐三刀久矣蕭疎見二毛勲業定誰千載後
江湖迴首五雲高還童未得丹砂秘却病能忘藥餌勞
經濟何緣酬聖代只堪終日醉鄉逃

衰鳳無勞歌楚狂年逾四十仕猶強不愁鏡裡霜華茁
頗頗尊前玉屑香蹤跡未離三楚去夢魂時傍九霄翔
乾坤眼底還多事莫恠江湖意未忘

劉夢溪招遊道正寺病暑不能赴賦此

龍宮窈窕諸公集十里松蘿暑定無共倒花尊憐此地
獨勤藥鼎媿如吾廢歌不厭頻催燭燕笑何曾及向隅
業果備捐塵劫累凌風直欲叩蓬壺

聞大同旋師

大同弗靖係安危消息真傳喜復悲不是渠魁歸鼎鑊
肯教元帥返旌旗羽書卒歲烽聊熄輸輓中原力已疲
兵後諸城劇殘破秋高須早脩胡兒

大水

富川積雨成洪水野上驚看白浪奔處處馬蹄妨道路
村村舟楫到柴門汪洋祗助魚龍恠漂蕩誰憐菽麥翻
荒僻不堪多苦狀一封誰與達天闈

寄京中諸僚友

憶昔趨朝同躍馬追懽暇日酒杯深江湖兩歲孤臣淚
霄漢諸公一片心燕塞狂多鴻便翼楚山空有鳳衰吟
年來多病成踈棄萬里題詩思不禁

哀朱子文太守

霜寒鐵面豸我冠五馬榕城暫解鞍棠樹至今思召伯
玉樓底事促潘安風流憐爾長辭世漂泊慚余尚素餐
却憶松州携手處不勝揮淚楚江干

憂旱二首

千里炎風捲地來三旬旱魃重爲災火雲不解作甘雨
田野驚看飛熱埃鳩鳥枝頭呼欲病蛟龍海上夢難回
開闔眼底多愁態素食庸庸愧有臺

麥黃將歛逢淫澇苗長方耘困旱災三楚蕭條愁賦稅
幾年紛擾暗塵埃江湖意寫詩千首天地愁生日幾回
霖雨未能酬夙抱幾迴搔首望鄉臺

睡起

兀坐虛堂世慮遺日長無事獨支頤百年天地閒中好

一枕羲黃分外奇，破夢不嫌風送鳥。催入祗恨雪侵髭，
拂雲蕉葉娟娟淨。興到板來一寫詩。

書懷二首

風塵十載一冠袍，南北驅馳祗自勞。多病豈能拋藥裹，
踈才安敢望時髦。年將伯玉非難覺，詩媿唐人格未高。
落魄經年尚狂態，生涯只合問漁舸。

臥病江干歲月虛，明時組綬祗慚余。乾坤日覺違初抱，
山水時堪慰索居。閉戶書成非寂寞，上天誰謂藉吹嘘。
江湖自遠雲霄路，莫恠年來故舊踈。

五月二十日喜涼

十日炎蒸不可當，曉來天氣稍清涼。病指未必丹砂力，
愁去非綠竹葉香。虛館暫閒童子扇，南窓時展醉翁牀。
文園消渴今何有，底用仙家碧玉漿。

五月薰風生嫩涼，滿階蕉葉拂雲蒼。詩篇簿領各自好，
束帶迎賓總不妨。擾擾蚊蠅他亦靜，清清枕簟夢偏長。
水崖松壑我何慕，猶可啣杯覓醉鄉。

牛湖洞避暑漫興

石月雪山洞中有也

千頃湖光聯洞陰，洞前松桂羅蕭森。無分晴雨石月朗，
不問暑寒山雪深。酒盞詩篇各自得，井冰玉液何須尋。
了無鳴鳥擾清晝，祗有飛雲知此心。

得林榕江書

闊別風塵僅歲餘一緘忽至喜何如
憐吾作吏不稱意羨爾閑所多
著書夢裡撥懽神渺渺愁邊心事
髣踈九仙山接榕江水早晚歸來
共結廬

謁甘將軍廟

將軍昔日角群雄下雉今看廟貌
隆千載英靈綏楚甸一生精力在
吳宮最憐赤壁焚曹鬼獨惜荊州
沮葛翁我亦升堂薦蘭芷行人誰
不仰高風

黃鶴樓懷古

崔顥才名今古尊我來何事更多言
興亡祗惹騷人恨風景偏銷逐客魂
江漢波流還日夜楚宮鳥雀自晨昏
長安迴首浮雲在徒倚詩成孰與論
獨凌黃鶴挹高寒萬里微茫眼界寬
落日荒原迷古跡野烟芳草與誰看
水雲淡淡從魚鳥風雨淒淒怨芷蘭
王氣伯舄俱寂寞凭欄祗有一長嘆

寄朱兩崖侍御

西臺諫草久稱奇近愛春遊絕妙辭
似我不嫌投散地如公豈合舍明時
每憐綠杖臨崖壑擬訪青山對酒卮
落魄不堪供簿領尚能湖海共吟詩

喜董六自閩携家書至

初春念爾閩山去，首夏携書楚水迴。
白髮慈闈寬遠念，青雲諸弟總多才。
昨朝送喜勞簷鵲，今日開顏對酒杯。
更愛群兒能不懶，芸窓筆硯少塵埃。

臥病

經年臥病楚江濱，藥裹長孤竹葉春。
瑣屑祗愁塵事集，踈狂不逐世情新。
娛情山水時招侶，寫意詩篇嬾寄人。
天地却驚雙鬢改，江湖迴首一沾巾。

寄林貞孚

去秋城館迭相招，別後音書兩寂寥。
荒邵念余還臥病，清時憐汝太逍遙。
分無事業標麟閣，喜有詩篇對蟻瓢。

暮倚江樓重迴首，楚山閩嶠迥迢迢。

次韻朱兩崖春游之作十一首

晨發南溪

身世如萍水，回浮芳時那可廢。
追遊溪南山色吟邊好，闕下封章夢裡休。
日月無情催素髮，乾坤底事惹新愁。
春林處處鳴幽鳥，渡口誰橫一葉舟。

翠屏寺僧妙果索詩

歲月山中自古今，東風昨又到禪林。
烟雲淡淡翠屏好，鹿豕綏綏芳草深。
塵世可能皆靜域，清尊且得對遙岑。
坡仙玉帶吾何有，鎮爾山門只此吟。

橋上再題翠屏寺

春山如畫玉流淙佳境新詩未易降
數寺翠屏應第一絕塵蒼隼底須雙
石橋爛熳繁花塢山客留連費酒缸
擾擾乾坤多事在謾將吾道付滄江

望城山

崖老才華世所聞一尊何日細論文
城山詩好勞遙寄綠野春多肯少分
媿我扶衰供簿領憐君發興寫烟雲
謾言流落非天意暫與江湖遠世群

郭城寺

携壺百里扣禪關爲愛僧居占好山
白鳥依依雙樹裡踈鐘隱隱碧雲間
春風芝傍山房茁晚笛漁歸野水灣
福地肯容逃業果浮名底用羨塵寰

限韻

山中不識利名鄉啼鳥飛花自夕陽
僧乞詩篇携硯至雲拖山雨過溪涼
壺觴羨爾臨芝谷早晚容余卜草堂
多病不勞動藥物只須蕭散是良方

飲黃氏宅

茅茨水竹野人居底事能拔長者輿
脩酒清歌供谷鳥堆盤細雪膾溪魚
山中泮渙還憐汝世上紛譁一任渠
湖海不忘霄漢念祗緣木相未全除

再宿郭城

山寺幽奇數郭城陰陰松檜抱溪清龍宮小巧琪花遶
驄馬重來竹葉傾倚石撚髭詩欲穩飛泉鳴鳥雨初晴
最憐老衲和雲臥塵世那知有利名

題松庵

庵外長松手自栽庵門不爲俗人開雅情肯愛松花釀
秀句爭傳柱史才念我未能離簿領與渠一咲話莓苔
詩成欲寄庵前老早晚秋風送鴈來

登舟

林花冉冉紫晴暉覽勝題詩雨不違雨過山溪新漲碧
樹團野徑綠陰圍舟隨春水真如意浪借東風護作威
谷口漁樵爭嗜嗜喜看驄馬踏春歸

寄題龍岩寺

憚勞不到龍岩寺咲爾春遊未盡奇懶向洞門留好句
定能尊酒訂來期俗緣纏我須捐去此意恐僧猶未知
他日參禪肯相引何妨雙樹共題詩

答劉蒙溪送慎言集訓

集訓教東谷先生所著

獨憐真病在踈狂四十年來祇自傷偶讀蒙溪遺集訓
始知東谷指迷方金人三字章非短老子千言味更長
應是此書人盡得邇來漸覺少封章

久旱聞雷

林鳩叫罷天忽變暑氣蒸人不啻湯祇愛雷公催雨色
可堪風伯助炎光湖波昨日看欲涸農圃三時愁轉狂
江烟逐逐野雲走定有神龍何處翔

大冶縣感述

百里謾云淹蔣琬惠州飯足飽東坡君恩未得涓埃報
民瘼其如水旱何泛梗韶光還自惜浮雲心事向誰歌
倚天空有盧龍在白髮星星覺漸多

山川壇禱雨歸即得雨

下車即肅山川禱俄頃滂沱應禱來豈有誠能勞鬼享

祗緣天亦念民災伏中酷烈暑何在眼底焦枯生欲回
鳩鳥桔槔聲莫苦烟雲漠漠更鳴雷

避暑普濟寺次前人韻

蕭爽如秋山氣涼陰陰萬竹抱禪房谷幽不到侵人暑
風靜還聞供佛香花雨滿空三界淨藤蘿昏日古松長
山僧莫謂全無事也有犁鋤向築塲

再遊普濟寺

不禁暑熱便來寺風殿玲瓏可納涼况有陰森萬个竹
更饒窈窕一山堂黃庭僧散香積最紫洞雲深俗自忘
池藕如肱冰雪脆瑯盤時喜遠公將

伏中荅人惠瓜藕

旱氣張威熱欲狂
文園病渴未能降
玉漿石髓勞虛憶
白藕青瓜喜乍嘗
水雪滿懷消宿暑
甘芳沁頰潤枯腸
投桃報李吾何有
三復詩篇祇自惶

郊行見旱禾多稿

觀禾獨馬出西原
赤日炎風旱氣奔
辛苦桔槔寧濟事
蕭條畝畝祇銷魂
不堪愁思催蓬鬢
忍見飢民塞郭門
眼底瘡痍難料理
素餐轉覺負君恩

秋思

昨夜西風忽報秋
楚山底事尚淹留
鄉心擬寄雲中鴈

宦况時登江上樓
殘暑未收三伏酷
新詩不為一毛憂
淒涼玉賦不堪誦
蘭芷蕭蕭今古愁

縣前一山與余家鳳凰山形色宛相似感而賦
此

祇為浮名別鳳凰
此山相似感他鄉
筆峰插漢當門秀
丹色盤空映樹蒼
西楚南閩疑一脈
嵐烟雲磴亦相方
風塵十載成何濟
對爾能忘畫錦堂

謁萬止齋祠有感并序

止齋大治人隱居赤山去縣三十里今崇虛寺

即故址也從學于晦翁之門無他著作惟語錄載其問荅千餘言晦翁有甚當其善之許云

晦翁門下推豪邁語錄編中見學純俎豆百年無愧色
乾坤此日有斯人赤山草木含輝耀碧漢星辰已隱淪
吾道底今多論議殘碑讀罷重傷神

喜范東石駐節山縣連日同遊普濟寺

寂寞山城恨寡儔美人何幸駐驂驕百年懷抱爲傾倒
幾處詩篇得倡酬竹寺一尊頻對雨楚江孤客正悲秋
可能日日追陪汝悵望涼雲天際流

秋日勘災遂至崇虛寺訪萬止齋讀書遺址

百折紆迴雲逕深龍宮窈窕愜幽尋赤山名山天設攤書
案白石名岩泉飛奏谷槩祗爲閭閻來草野偶逢支遁話

松林真儒昔日傳經地不盡乾坤仰止心

是晚盛五峰携酒來寺因談龜峰龍谷之勝

落日孤猿送嘯吟勘災偶爾宿東林最憐地主携尊酒
旋掃山雲席竹陰吠犬鳴鷄人境遠碧岩黃葉虎蹄深
半酣與爾窮幽事龍谷龜峰次第尋

冒雨至通山東兩厓

山雨不止山霧陰兩厓悵望難登臨敗垣蟋蟀向誰語
落葉庭除還自吟濁酒盈尊祗寂寞美人隔水須招尋
莫辭驄馬衝泥惡只恐明朝泥更深

喜兩厓見過用前韻

寂寞山城秋雨陰最憐驄馬此時臨便沾清醞對雨酌
更喜新詩同我吟秋雲春夢且須置羅阜翠屏還欲尋
風流似汝少在眼剪燭不妨涼夜深

兩厓爲朱侍御賦

東厓西厓高挿天秀靈不忝毓豪賢臺中諫草豺狼避
海內才名北斗懸峻節直看千仞上此心仰止十年前
謝安未穩東山卧今日蒼生正可憐

飲兩厓宅二首

曉過溪南柱史家紫荆門巷爛開花谷風習習沙雲淨
江島依依草閣斜尊酒不辭今日醉詩篇敢向主人誇

乾坤此會還能幾迴首風塵祗自嗟


四面青山護一家檻條墻葛接庭花紫簫送酒不覺
白氎衝風任自斜懷向世人那得盡歌聞稚子亦能誇
溪南雲物有如此知又歸來無怨嗟

溪上望翠屏寄兩厓

輕舟下水捷於馬迴首翠屏秋可憐天地蕭條菑葉裡
江湖浩蕩白鷗前歲華冉冉催雙鬢塵世悠悠轉百年
昨日溪南看山色兩厓深處得神仙

送朱道士歸延平

東華觀裡一真人鶴氅霞冠物外身竹簡有書渾是道



P25以后缺

藥爐無火自通神
捧檄北辭丹鳳闕
携琴南渡白雲津
幾時借得雙瓶水
洗却浮生萬劫塵

聞鵲贈諸生赴試

擊鼓吹笙侑綺筵
森森玉樹總堪憐
桂花自是逢秋好
禽鳥由來得氣先
江上魚龍雷雨奮
雲間星象壁奎聯
乾坤事業歸英妙
珍重諸生各勉旃

雨

惟得秋來炎氣逞
也知今日雨垂垂
雷飛雲走霧惱人意
落葉繁華空自悲
萬里赤霄妨日月
一溪寒水舞蛟螭
天長鴻雁無消息
江漢停杯有所思

